

宜章縣志



宜章文徵序

我縣嘉慶舊志藝文門不做劉畧班志部居州次以考見學術源流簡編存佚而以昭明文選體裁全錄詩文且多流連光景投贈知交之作蘭艾兼收瑕瑜互見可傳者鮮豈以爲山陬下邑人文謫陋故變例出此耶而不知非史例且非志例也凡輯錄詩文有總集有別集總集始于晉摯虞別集始於漢西京語詳隋書經籍志唐宋以後輯錄日多其以時代分者若唐文粹宋文鑑元文類明文海是也以郡縣分者不可勝數前清時我省有湖南文徵沅湘耆舊集搜羅宏富未及我縣良爲缺恨夫文章高下不同精粗各異如有可觀未可持嚴格以相繩也我

縣先正著述明以前不可考鄭忠肅遺著詩僅存訓姪詩題武侯墓詩文僅存廻龍廟碑及科貢題名記二篇而已鄧司徒東溪草堂詩集雖已刊印板無存其書藏庋者亦鮮清時著述其已刊行者如彭解元春秋說黃名彥等石虎山志吳拔貢嶺雲集李訓導芋香草堂詩集鄭梅岑先生寶雲詩集吳石航先生求可錄悔軒集蔣茂才祖琨菟旒詩草僅九種書成而未及印行者約三十餘種雖所詣淺深不同而皆可傳於後世其已鋟板者板多燬失存者亦漫漶不可辨未鋟板者歲久食斷蠹朽充薪覆瓿且多化爲飛塵矣當其仰屋著書雕肝鉅腎敝帚自享不求人知或信手塗抹不自珍惜輕同涕唾并姓名在若存

若滅聞者何可勝數先賢有言凡收拾昔人零章斷句爲之刊布者其功德等於掩骼埋胔抑何言之沈痛耶天名者古今所同重者也身後之名當共爲護惜之本編本此意旨已將書名撰人編入藝文志其舊志所有詩文及今所採訪者別爲一編名曰宜章文徵舊志詩文爲甲集新編爲乙集甲集編次悉仍其舊乙集不另體先文次詩次詞以時代先後爲序嗣後續編依次編之可也顧亭林氏有言文須有益於天下降格言之亦必有益於地方凡表彰先賢闡揚節孝記述掌故感懷時事者悉行編錄詩文過於鄙俚者不錄並世生存者佳亦不錄極知迂拘本原古義邦人君子幸共諒之中華民國二十九年庚辰

春二月鄧典謨序於縣志局

目錄

甲集

卷一

序記

卷二

傳書事碑阡表祭文賦

卷三

七言律五言律七言排律五言排律

卷四

七言古風 五言古風 七言絕句 五言絕句 銘

乙集

文 詩 詞

五
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

宜章文徵甲集

卷一

序

送廖道士序

（唐）吏部侍郎

韓

愈

退之
昌黎

五嶽於中州衡山最遠南方之山巍然高而大者以百數獨衡
爲宗最遠而獨爲宗其神必靈衡之南八九百里地益高山益
峻水清而益駛其最高而橫絕南北者嶺邾之爲州在嶺之上
測其高下得三之二焉中州清淑之氣於是焉窮氣之所窮盛
而不過必蛻蟪扶輿磅礴而鬱積衡山之神既靈而邾之爲州
又當中州清淑之氣蛻蟪扶輿磅礴而鬱積其水土之所生神
氣之所感白金水銀丹砂石英鍾乳橘柚之包竹箭之美千尋

之名材不能獨當也意必有魁奇忠信材德之民生其間而吾
又未見也其無乃迷惑溺沒於佛老之學而不出耶廖師郴民
而學於衡山氣專而容寂多藝而善游豈吾所謂魁奇而迷惑
者耶廖師善知人若不在其身必在其所與游訪之而不吾告
何也於其別申以問之

按廖道士郴人此文舊志既載仍之

送曾大守逵歸宜陽序

（明）翰林院編修 方元儒

歌傳驪唱曲奏陽關在朋儔有臨別之言詎父母無孔邇之頌
維我公祖九疑降祉三湘毓英緒繻沂水春風學傳誠意慎獨
兆叶三台爰儲武庫秩占八座聿起文昌鴈塔之名早題鴛班
之列有待燕公厭承明之制作曲江老宣室之才華始發輒於

輦昌旋剖符於江左隨車甘雨勤宣聖天子之德恩連路福星
快覩新使君之渥澤禮樂在躬詩書飾治虛懷好士高風直比
陳蕃布德愛民雅化堪追侯霸平賦普閭閻膏澤弭盜爲提封
保障績懋龔黃惠歌召杜此千萬戶之福也洵二千石之良乎
自宜擢之股肱之地置諸耳目之司乃聖主眷顧方殷而老臣
歸念彌切俄爾卜吉翩然啟行騎影將移旌麾迅發於斯時也
讌近秋正爾泉清竹暮侶招望月可奈木落山高際此牙袂
之酸辛况復徂暉之黯淡苟非作誦孰慰遄歸顧行遠無文載
碑有口是用述事爰備採風敬誌召棠佇題漢柱庶幾白太傅
感別之篇楊少尹紀勛之什云爾

贈蕭哲庵序

正統丁卯舉曾達九達
人太平知府邑人

宏治十三年九月十九日乃哲庵蕭君八十介觴辰也同邑人
士乞言于余以爲翁壽余自念宦遊多載夙夜簿書精力竭矣
且久不事筆硯其何以答眾請然翁之懿行余知之最熟而又
不敢辭翁自髫齡時輒發奮下帷欲掇巍科登顯仕大展所蘊
以上壽君國下壽民生乃懷抱利器連不得志於有司於是由
吏員陞任韶州經歷十餘年太守王公見翁有異能一切糧儲
獄訟批理悉以委翁而翁之廉明雖古人莫過文案堆積判決
如流其餘疑獄尤留心審聽民自謂無冤癸未歲夏旱翁攝府
任不憚炎暑竭誠懇禱大雨傾注人慶沾足又一年郡中大饑

餓莩相望翁捐俸不足親詣富室稱貸勸賑救活無算又有數
囚法不應死守必欲置之法翁執法固爭囚竟獲免如此之類
其有恩於韶者甚厚解組歸里優游林泉足不履城市一旦廣
賊寇邊殺擄無數翁奮勇率鄉里丁壯置伏設堵追斬過當由
是邊警告息其有功於吾宜又如此其大以是論壽雖由八十
而進於耄耄期頤之年皆翁所自致而非倖致也因書以侑觴

送王竹塘

鐸

先生解組歸宜章序

蕭

勉

仁和

嘉靖歲丁巳竹塘王先生由分教仁和擢掌教事於山陰先生
才性果毅練達舊擅文譽於郴江厄數奇久不售於有司由貢
科入對大廷冠多士吾浙素以文物甲海內而仁和又附省復

爲浙之名邑蓋銓司以才行器先生故有是命夫省乃監司藩
臬之攸萃先生蘊才識易以穎脫故復有山陰之擢居二載學
政之久弛率振舉之士咸中軌轂科條畢新乃先生以年例乞
解職留不可竟拂衣去其不知者或以爲問余曰昔錢若水神
骨清澈希夷疑其可仙而其師乃謂其急流勇退人也則夫靜
退者固神仙之流諗於此則有以觀先生之微矣且先生麗眉
鉅脣貌古而氣肅望之若蒼松翠柏神情朗暢無城府之設嘗
聞韓昌黎稱郴山奇變其水清瀉又曰郴之爲州當清淑之氣
意必有魁奇者生於其間千載之下若先生者得不謂之魁奇
耶昔葛洪氏乞官旬漏隸名石室矧吳越素擅山水之勝爲洞

天靈府乃爲先生宦履所盤桓乞靈三茅探秀陽明罔象元珠
之秘先生將無所得耶雖然是豈謫乚者所可窺識以先生之
形神靜退足稱道器爲可擬之者先生以宜章世閥簪組相繼
故有書錦之堂庭階玉樹昂聳雲霄又指日可待今此之歸葛
巾野服逍遙於萬山之中葆真含和齡算殆未可以籌計則所
謂陸地仙者非先生其誰歟先生且行矣因述其高蹈之風歸
之行李以備他日雲笈之採

鄧宗周先生東溪詩集序

（清）知縣

繆

誥

江陰進士

余少侍先君子誦讀之暇每語及吳中名宦卽知勝國時有鄧
宗周先生巡撫三吳勛業卓卓彪炳天壤心竊慕焉而地遠年

湏未獲觀其遺集常以爲憾丙申余奉簡命宰郴之義章卽先生桑梓地也因爲訪其後裔列膠庠者蓋濟濟焉私心竊喜仁者之必有後且自是可以得見先生之文一慰夙昔嚮往之忱也旣而先生八世孫林桂手錄東溪詩集請敘於余東溪蓋先生自巡撫中州乞休歸里結廬城東俯臨清泉遂以自號也當其道遙閒適身之所歷目之所接意之所至興之所感忻然有得濡毫立就一唱三嘆自有餘音余以公暇取而讀之竊見其氣恬其思永其體正敲金戛玉之詞悉本於性情而山之非猶夫擷華炫采取青儷白茫乎不知有舒文載實之義者也吾聞先生歷官所至秉正嫉邪功崇業廣危疑不以動其心各位不

以移其志今日莊誦先生之詩如其中之道然而自足泊然而寡營乃知文章經濟相爲表裏非偶然者余旣幸素心之得慰且喜先生之後人能不念先生之遺澤爰識數言於簡端俾亟授之梓以公諸海內之慕先生之名迫欲見先生之文者

彭處士仁讓錄序

繆 誥覺軒

士之品莫先於孝弟非是則其人不足稱也故盡其道者大則通神明而光四海次亦可以化鄉黨而風郡邑雖其人已往而流風餘韻猶能感發於匹夫匹婦之心洋溢於詞人學士之口往往歌詠流連而不忍置歲丙申余來治宜得孝友之士而旌之以樹風聲維頽俗而卒不可多覩旣而讀學博李君康年所